

Broj: 06-02-36-11/2018-16
Sarajevo, 16.05.2018. godine

Na osnovu člana 70. st. (1) i (3) Zakona o javnim nabavkama („Službeni glasnik BiH“, broj: 39/14), a na prijedlog Komisije za javne nabavke imenovane Rješenjem broj: 06-02-36-R-3/2018 od 07.03.2018. godine godine, sekretar Vlade Federacije Bosne i Hercegovine, d o n o s i

O D L U K U
O IZBORU NAJPOVOLJNIJEG PONUĐAČA ZA JAVNU NABAVKU ROBA – KOMPJUTERSKA OPREMA I KANCELARIJSKE MAŠINE ZA POTREBE GENERALNOG SEKRETARIJATA VLADE FEDERACIJE BOSNE I HERCEGOVINE

I.

U cilju odabira najpovoljnijeg ponuđača, u provedenom postupku javne nabavke: Konkurentski zahtjev za dostavu ponuda za nabavku roba – kompjuterska oprema i kancelarijske mašine za potrebe Generalnog sekretarijata Vlade Federacije Bosne i Hercegovine, evidencijski broj nabavke: 06-02-36-11/2018-1, broj Obavještenja o nabavci sa portala javnih nabavki: 854-7-1-25-3-1/18 od 11.04.2018. godine, kao najbolje ocijenjena prihvatljiva ponuda je ponuda ponuđača **ELUR d.o.o. Kiseljak**, sa ukupnom cijenom ponude bez PDV-a, nakon provedene e-Aukcije, u iznosu 9.874,00 KM.

II.

Ponuđač iz tačke I. ove odluke ocijenjen je kao najpovoljniji, jer ispunjava uslove postavljene tenderskom dokumentacijom, a u skladu sa kriterijem za dodjelu ugovora (najniža cijena) ponudio je najnižu cijenu.

III.

Za realizaciju ove odluke zadužuju se Sektor za pravne i opće poslove i Sektor za materijalno-finansijske poslove.

IV.

Ova odluka stupa na snagu danom donošenja i objavit će se na web stranici Vlade Federacije Bosne i Hercegovine – Generalnog sekretarijata Vlade Federacije Bosne i Hercegovine u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

O b r a z l o ž e n j e

Postupak nabavke pokrenut je Odlukom o pokretanju postupka javne nabavke, broj: 06-02-36-11/2018 od 06.03.2018. godine. Javna nabavka provedena je putem Konkurentskog zahtjeva za dostavu ponuda. Ukupna procijenjena vrijednost nabavke iznosi 15.000,00 KM bez PDV-a. Obavijest o nabavci broj: 854-7-1-25-3-1/18 poslana je na objavu 11.04.2018. godine, te je istog dana objavljena na portalu Javnih nabavki.

Tendersku dokumentaciju preuzelo je 29 (dvadesetdevet) privrednih subjekata, a 6 (šest) ponuđača dostavilo je ponude u predmetnom postupku nabavke. Sve ponude su blagovremeno pristigle. U skladu sa provedenim predmetnim postupkom javne nabavke, ponude su dostavili sljedeći ponuđači: ELUR d.o.o. Kiseljak, GODIMERC d.o.o. Sarajevo, PRINTEX d.o.o. Sarajevo, R&S d.o.o. Sarajevo, REBUS d.o.o. Sarajevo i AM SUPPORT d.o.o. Sarajevo.

Komisija za javne nabavke, imenovana Rješenjem, broj: 06-02-36-R-3/2018 od 07.03.2018. godine, izvršila je pregled i ocjenu ponuda, te konstatovala da je, od ukupno 6 (šest) dostavljenih ponuda, prihvatljivo 5 (pet) i to ponude ponuđača: ELUR d.o.o. Kiseljak, GODIMERC d.o.o. Sarajevo, R&S d.o.o. Sarajevo, REBUS d.o.o. Sarajevo i AM SUPPORT d.o.o. Sarajevo, dok je ponuda ponuđača PRINTEX d.o.o. Sarajevo ocijenjena kao neprihvatljiva.

Ponuda ponuđača PRINTEX d.o.o. Sarajevo odbačena je iz sljedećeg razloga:

Ponuđena roba ne zadovoljava uslove tražene tehničkom specifikacijom. Naime, u Tenderskoj dokumentaciji ANEKS 3 – OBRAZAC ZA CIJENU PONUDE – ROBE, Redni broj: „2. Monitor 23,6" “ tražena je, između ostalog, tehnička specifikacija „Zvučnici: integrisani“. Monitor koji je ponudio Ponuđač PRINTEX d.o.o. Sarajevo ne zadovoljava karakteristiku traženu tehničkom specifikacijom.

U skladu sa tačkom V Odluke o pokretanju postupka javne nabavke, broj: 06-02-36-11/2018 od 06.03.2018. godine Komsija je provela e-Aukciju dana 15.05.2018. godine, sa početkom u 10.00 sati.

Nakon provedene e-Aukcije Komisija je dostavila sekretaru Vlade Federacije Bosne i Hercegovine, Zapisnik o pregledu i ocjeni ponuda, broj: 06-02-36-11/2018-15 od 15.05.2018. godine i preporuku o izboru najpovoljnijeg ponuđača ELUR d.o.o. Kiseljak, sa registriranim sjedištem u ulici Žrtava domovinskog rata 2, 71250 Kiseljak, ID: 423601095005, za predmetnu nabavku.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, kao i ocjenu prispjelih ponuda, shodno kriterijima iz tenderske dokumentacije, te da je izbor izvršen u skladu sa Zakonom o javnim nabavkama („Službeni glasnik BiH“, broj: 39/14), podzakonskim aktima i tenderskom dokumentacijom.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke svaki od ponuđača koji je učestvovao u postupku nabavke može izjaviti žalbu ugovornom organu – Generalnom sekretarijatu Vlade Federacije Bosne i Hercegovine, u pisanoj formi direktno ili preporučenom poštanskom pošiljkom, u roku od 5 (pet) dana od dana prijema ove odluke.



SEKRETAR VLADE

mf. sc. Edita Kalajdžić

Dostaviti:

1. Svim ponuđačima u postupku
2. U dokumentaciju Komisije
3. Sektor za pravne i opće poslove
4. Sektor za materijalno-finansijske poslove